

К ОПУБЛИКОВАНИЮ

КОМИ РЕСПУБЛИКАСА ВЕСЬКӖДЛАН КОТЫРЛӖН ШУӖМ

2024 воын Коми Республика мутасын пӧжаръяс лоны вермана кад заводитчӧм йылысь

«Пӧжарысь видзчысянлун йылысь» Федеральнӧй оланпаслӧн 20 статья, Россия Федерацияын пӧжарысь видзчысян режим правилӧяс серти, кутшӧмъясӧс вынсьӧдӧма Россия Федерацияса Веськӧдлан котырлӧн 2020 во кӧч тӧлысь 16 лунся 1479 №-а шуӧмӧн, Вӧръясын пӧжарысь видзчысян правилӧяс серти, кутшӧмъясӧс вынсьӧдӧма Россия Федерацияса Веськӧдлан котырлӧн 2020 во йирым тӧлысь 7 лунся 1614 №-а шуӧмӧн, Коми Республикаса Веськӧдлан котыр шуис:

1. Индыны 2024 воын Коми Республика мутасын пӧжаръяс лоны вермана кад заводитчӧмсӧ:

1) 2024 вося косму тӧлысь 27 лунсянь «Сыктывкар» кар кытшса муниципальнӧй юкӧнлӧн, «Княжпогост» муниципальнӧй районса муниципальнӧй юкӧнлӧн (водзӧ – МР МЮ), «Койгорт» МР МЮ, «Кӧрткерӧс» МР МЮ, «Луздор» МР МЮ, «Сыктывдін» МР МЮ, «Сыктыв» МР МЮ, «Мылдин» МР МЮ, «Удора» МР МЮ, «Емдин» МР МЮ, «Кулӧмдин» МР МЮ мутасьясын;

2) 2024 вося ода-кора тӧлысь 11 лунсянь «Воркута» муниципальнӧй кытшса муниципальнӧй юкӧнлӧн (водзӧ – МК МЮ), «Вуктыл» МК МЮ, «Инта» МК МЮ, «Усинск» МК МЮ, «Ухта» МК МЮ, «Изьва» МР МЮ, «Печора» МР МЮ, «Сосногорск» МР МЮ, «Чилимдин» МР МЮ мутасьясын.

2. Вӧзйыны Коми Республикаын меставывса асвеськӧдлан органъяслы:

1) збыльмӧдны Россия Федерацияын пӧжарысь видзчысян режим правилӧясса 70 пункт, кутшӧмъясӧс вынсьӧдӧма Россия Федерацияса Веськӧдлан котырлӧн 2020 во кӧч тӧлысь 16 лунся 1479 №-а шуӧмӧн (водзӧ – Россия Федерацияын пӧжарысь видзчысян режим правилӧяс), олӧмӧ пӧртан мероприятиеяслысь муниципальнӧй планъяссӧ планъясӧн урчитӧм уджъяс нуӧдан кадколастьяс да ыджда серти;

2) пӧжарысь видзчысян канму службалӧн юкӧдувьяскӧд, асвӧляя пӧжарнӧй охраналӧн юкӧдувьяскӧд, «Пӧжарысь видзан ставроссияса асвӧляя котыр» ставроссияса ӧтйӧза организациялӧн Коми республиканскӧй юкӧнӧс петкӧдлысьяскӧд (водзӧ – ПВСАК) ӧтув нуӧдны олысьяскӧд да муниципальнӧй учреждениеясса уджалысьяскӧд пӧжарысь видзчысян мераяс да пӧжар дырйи налӧн вӧчӧмторъяс йылысь гӧгӧрвоӧдана удж;

3) вынсьӧдны чина йӧзлӧн вӧчӧмторъяслысь пӧрадоксӧ сӧк, кор вӧрса пӧжаръяс да мукӧд ландшафтнӧй (вӧр-ва) пӧжаръяс вермӧны

вуджны олан пункт вылӧ, сы лыдын олысьяслы юӧртӧм, эвакуируйтан маршрутяс, недыр кад кезлӧ овмӧдан пунктяс;

4) котыртны олысьяслы пӧжарысь видзчысянлунсӧ могмӧдӧм серти примитӧм помшуймьяс йылысь юӧртӧмсӧ, сы лыдын гражаланӧн скодьяс (чукӧртчылӧмьяс) дырйи, а сідзжӧ могмӧдны пӧжарысь видзчысян канму службалӧн юкӧдувьяслы, вӧр видзан органьяслы пӧжарно-технической тӧдӧмлуньяс паськӧдны отсалӧмсӧ;

5) котыртны зданиеяскӧд, сооружениеяскӧд, олан керкаяскӧд, вӧркӧд орчча мутасьясысь кос турун, ёг весалӧмсӧ, торйӧн кутны тӧд вылын уна йӧза объектяс, социальной юкӧнса объектяс, пӧжар дырйи ӧдйӧ сотчыны вермысь олан зданиеяс (пуысь);

6) водзвыв дасьтыны пӧжар кусӧдигӧн медводз колана средствояслысь да пӧжарысь видзчысян кӧлуйлысь видзас (ва бӧчкаяс, зырьяс, ведраяс, багачьяс, багырьяс да мукӧдтор);

7) урчитны пӧжарной техникалы сьӧкыда воӧдчан (вундӧм) олан пунктьясын, кӧнӧ вермасны лоны вӧрса пӧжарьяс да мукӧд ландшафтной (вӧр-ва) пӧжарьяс, содтӧд автотракторной му кодьян техника резерв пӧжарысь видзчысян содтӧд мытшӧдьяс артмӧдӧм могысь сійӧн оперативной вӧдитчӧм вылӧ, сэк, кор олан пунктьяслӧн мутасын вермасны вуджны вӧр-васа пӧжарьяс, а сідзжӧ ва сетан содтӧд техника резерв;

8) сы могысь, медым дугӧдны пӧжар паськалӧмсӧ да билысь стрӧйбаяс, зданиеяс да сооружениеяс вылӧ вуджӧмсӧ, вӧрлӧн, муяслӧн, нюрьяслӧн олан пунктьяскӧд да торйӧн сулалысь объектьяскӧд, кутшӧмьяс меститчӧмаӧсь насянь зэв матын, орчча местаясын нуӧдны видзан (минерализуйтӧм) визьяс лӧсьӧдӧм, весалӧм да выльмӧдӧм серти уджъяслысь комплекс;

9) сэк, кор вермас лоны пӧжар, дзик пыр пыртны лӧсялана муниципальной юкӧнъяслӧн мутасьясын пӧжарысь видзчысян торья режим пӧжарысь видзчысянлун серти содтӧд корӧмьяс урчитӧмӧн;

10) олан пунктьяслӧн, сад вӧдитан либӧ град выв пуктас вӧдитан лӧсялана мутасьясын сад вӧдитан да град выв пуктас вӧдитан абу коммерческой товариществояслӧн мутасьясын прӧверитны, эмӧсь-ӧ неминучаяс йылысь йӧзлы юӧртан системаясыс, пӧжар дырйи йӧзлы шыӧн юӧртан средствоясыс да бура-ӧ найӧ уджалӧны, урчитны пӧжар кусӧдан могьяс вылӧ ва видзассӧ, а сідзжӧ пырӧдчыны гражданаӧс пӧжарысь видзчысянлун юкӧнын юӧртӧмӧ;

11) могмӧдны патрульной, патрульно-манёвренной, манёвренной да контрольно-патрульной группаяс лӧсьӧдӧмсӧ да налысь удж котыртӧмсӧ Патрульной, патрульно-манёвренной, манёвренной да патрульно-контрольной группаяс лӧсьӧдан да налысь удж котыртан пӧрадок серти методика вӧзиймьяс серти, кутшӧмьясӧс дасьтӧма «Россияса МЧС-лӧн войтырӧс дорьян да неминуचाысь видзан мытшӧдьяс серти ставроссияса наука-туялан институт» федеральной канму сьӧмкуд учреждение;

12) «Ландшафтной (вӧр-ва) пӧжарьяс вылӧ реагируйтан тшупӧдьяс вынсьӧдӧм йылысь» Россия Федерацияса Воськӧдлан котырлӧн 2023 во

ошым төлөсү 22 лунся 2263 №-а шуом серти лөсялана муниципальной юкөнлөн мутасын ландшафтнөй (вөр-ва) пөжарьяс дырйи ас кадө урчитны реагируйтан муниципальной тшупөдсө.

13) муниципальной му контроль серти нуөдны өлөдан мероприятиеяс, кутшөмьясөс веськөдөма му оланпастэчаслысь корөмьяссө торкалөмьясысь өлөдөм вылө, кутшөмьяс йитчөмаөсь му участокьяс ёг быдмөгьясөн тырөмкөд, а сідзжө му участокьясөн абу торья мог серти вөдитчөмкөд.

3. Коми Республикаса вөр-ва озырлун да гөгөртас видзан министерстволы:

1) котыртны 2024 во вылө вөрьясын пөжарысь видзчысян уджсө збыльмөдөм серти планөвөй петкөдласьяс олөмө пөртөмсө;

2) вөрьясын пөжарысь видзчысьөмсө могмөдөм могысь ас кадө пыртны Коми Республика мутасын гражданаөн вөрьясө ветлөм да сэтчө транспорт средствоясөн пырөм, а сідзжө Россия Федерацияса вөр-ва озырлун да экология министерствоөн урчитөм пөрадокын вөрьясын торья удж сикасьяс нуөдөм серти дзескөдөм;

3) сэк, кор дзескөдөны гражданаөн вөрьясө ветлөмсө да сэтчө транспорт средствоясөн пырөмсө, могмөдны вөр фондса муясын контрольно-пропускнөй постьяс видзан юалөмьяс серти Коми Республикаын пытшкөс делөяс министерстволөн мутас органьяскөд отув уджалөмсө;

4) вөрьясын пөжарысь видзчысян корөмьяссө торкалөмьясысь өлөдөм, найөс эрдөдөм да дугөдөм могысь могмөдны вөр видзөм серти лесничествояслысь мутас патрулируйтөмсө;

5) могмөдны Коми Республикаын меставывса асвеськөдлан органьяскөд отув уджалөмсө сы серти, медым пөжарьяс лоны вермана кадө вөр фондса муяскөд орчча мутасьясын эз нуөдны видзөдтөм видз-му овмөсса пальяс, эз сотны ёг да эз пестыны бипурьяс;

6) сетны вөрсa пөжарьяс йылысь стөч юөр Коми Республикаса вөр овмөслөн дінмуса диспетчерскөй службаө да Россияса МЧС-лөн Коми Республикаын медшөр веськөдланінлөн дөзьөр нуөдан да өлөдан уджөн веськөдланінө налысь лоан помкаяссө урчитөм да мыжа йөзөс эрдөдөм могысь.

4. Вөзйыны Коми Республикаын меставывса асвеськөдлан органьяслы, став эмбур сикаса организацияслы:

1) котыртны му участокьясын, кутшөмьяс меститчөны олан пунктьяслөн, сад вөдитан либө град выв пуктас вөдитан мутасьяслөн мудорьясын, ёг пыр весалөмсө да турун ытшкөмсө;

2) лым сылан лунсянь арся зэра поводдя пуксьытөдз либө лым усьтөдз периодө могмөдны вөрдорса мутасьяссө косьмөм турунысь, сю вундөм бөрын колясьясысь, ув-баддьысь, керасьом бөрын колясьясысь, производство да потребление шыбласьясысь да мукөд ломтас материалысь мутас мудорьясянь да (либө) вөрсянь 10 метрысь абу ичөтджык пасьта визьын весалөмсө либө торйөдны 1,4 метрысь абу ичөтджык пасьтаа

пöжарысь видзчысян минерализуйтöм визьöн либö пöжарысь видзчысян мöд мытшöдöн.

5. Коми Республикаса Юралысьлöн Администрациялы чина йöзкöд да органъяскöд öтув, кодъясöс индöма тайö шуöмлöн 2, 4 пунктъясын, нуöдны пöжарысь видзчысянлунсö могмöдöм серти примитöм помшуöмъяс йылысь да пöжаръяс лоны вермана кадö пöжарысь видзчысянлун серти корöмъяс йылысь олысьяслы юöртан мероприятиеяссö Коми Республикаса войтырöс доръян да неминуचाысь видзан комитетöн сетöм материалъяс подув вылын.

6. Коми Республикаса велöдан да наука министерстволы, Коми Республикаса культура да архив удж министерстволы, Коми Республикаса удж, уджöн могмöдан да социальнöя доръян министерстволы, Коми Республикаса вынйöр сöвмöдан да спорт министерстволы, Коми Республикаса йöзлысь дзоньвидзалун видзан министерстволы пöжарысь видзчысян канму службалöн юкöдувъяскöд, асвöляя пöжарнöй охраналöн юкöдувъяскöд, ПВСАК-öс петкöдлысьяскöд, Коми Республикаын меставывса асвеськöдлан органъяскöд öтув нуöдны канму учреждениеясса уджалысьяс, граждана, Коми Республика мутасын меститчысь велöдчанінъясса велöдчысьяс (быдтасьяс) пöвстын пöжарысь видзчысян мераяс да пöжар дырйи налöн вöчöмторъяс йылысь гөгөрвоöдана удж.

7. Коми Республикаса видз-му овмöс да потребительскöй рынок министерстволы збыльмöдны öлöдан мероприятиеяслысь комплекс, кутшöмъясöс веськöдöма кöрым да видз-му овмöс мукöд культура заптан, видзан да нуан периодö Россия Федерацияын пöжарысь видзчысян режим правилöяссö торкалöмъясысь видзчысьöм вылö.

8. Коми Республикаса стрöйтчан, оланін да коммунальнöй овмöс министерстволы котыртны мероприятиеяс нуöдöмсö, кутшöмъясöс веськöдöма организациясöн да гражданаöн наöн автомашина туйясöн вöдитчигöн Россия Федерацияын пöжарысь видзчысян режим правилöяссö торкалöмъясысь видзчысьöм вылö.

9. Вöзйыны Коми Республикаын меставывса асвеськöдлан органъяслы, Россияса МЧС-лöн Коми Республикаын медшöр веськöдланінлы, Ветеринарнöй да фитосанитарнöй дöзьöр серти федеральнöй службалöн Североморскса дінмукостса веськöдланінлы, Коми Республикаса видз-му овмöс да потребительскöй рынок министерстволы, Коми Республикаса вөр-ва озырлун да гөгөртас видзан министерстволы пыр вежласьны видз-му овмöс тöдчанлуна да запас муяс, олан пунктъясса му участокъяс да вөр фондса участокъяс кийн кутысьяс йылысь юөрöн, кодъяс торкалöны пöжарысь видзчысянлун серти корöмъяссö.

10. Вöзйыны «Россияса кöрт туйяс» ВАК-са Войвыв кöрт туйлöн Сосногорскса мутас веськöдланінлöн филиаллы збыльмöдны öлöдан мероприятиеяслысь комплекс, кутшöмъясöс веськöдöма кöрт туйясöн, кежöд визьясöн да кöрт туйяслöн видзан зонаясöн вöдитчигöн Россия

Федерацияын пöжарысь видзчысян режим правилöяссö торкалöмъясысь видзчысьöм вылö.

11. Тайö шуöмсö олöмö пöртöм бöрся видзöдны Коми Республикаса Веськöдлан котырöн Юрнуöдысьöс вежысьлы, кодi кывкутана могъяс юклöм серти ладмöдö Коми Республика мутасын войтырöс доръян, пöжарысь видзчысян, йöзöс да мутасъяс неминуचाысь видзан юкöнын öтувъя канму политика збыльмöдан юалöмъяс серти Коми Республика олöмö пöртысь власът органъяслысь уджсö.

12. Тайö шуöмыс вынсялö сйöс официальнöя йöзöдан лунсянь.

Коми Республикаса Веськöдлан котырöн
Юрнуöдысьöс Медводдза вежысь

Э. Ахмеева

Сыктывкар
2024 вося косму тöлысь 26 лун
194 №